



蘇魏公文集卷六十九

劄子

辭免知河陽府

辭免侍讀

辭免承旨

辭免左丞

辭免立班

辭免右僕射

待罪

卷六十九

蘇州府東高縣道侯府  
陸心源捐送國子監  
陸心源

充緒及子湖州陸  
心源捐送國子監  
之書匾臧南學

辭免觀文殿大學士集禧觀使

乞依例赴朝翔望

辭免知揚州

乞致仕

青詞

為河南郡陳太夫人服藥設醮

劄子

辭免知河陽府

臣今月二十一日准閣門告報奉勅差臣知河陽軍

府事臣稟賦拙艱自取罪戾聖恩寬宥復委要藩殫

竭愚駕無以報塞伏念臣先臣翰林學士某慶曆中

曾知河陽在任止歿臣今被命復忝臨州得繼世官

雖為榮幸追今往昔實不遑安欲望聖慈特許別換

近南一州所冀少安愚分臣惟以軀命上荅聖主生

成

辭免侍讀

卷六十九

二

臣准閣門告狀伏蒙聖慈除臣兼侍讀聞命彷徨不知所措伏念臣齒髮衰瘁孝殖荒蕪方且充位省曹典領衆職常懼不暨朝廷更令參侍經幄進讀群書實恐冥聞難備碩問伏况 皇帝陛下誠性天至登延俊哲敢期衰朽預在逸掄不待人言自知非稱伏望聖慈特矜至懇追寢異恩庶使賤愚免貽罪戾干冒天聽

辭免承旨

臣今月三十日准閣門告報伏蒙聖慈特授臣翰林

士承旨知制誥者聞命震驚不知所措竊以孝士之職朝選甚高非唯取文章翰墨之工盖亦有應對碩問之責而况專承密命首冠近班寵待固异于常員任尤艱于虛授伏念臣短才極陋樸孝甚迂遭遇四朝獎拔之私叨塵六職銓衡之任歲月逾邁齒髮已衰居常閱簿領之書猶有不逮將使司典冊之任實謂非常自省甚明實難堪處伏望皇帝陛下太皇太后陛下如天養物以器使人閔察丹誠許遠成命庶安駕蹇之分不辜覆幬之恩臣無任祈天俟命激切

屏營之至所有告命未敢祇受

辭免左丞

臣今月初八日准閣門下告狀報已降告命特授臣守尚書左丞者聞命惴恐如蹈冰淵揣分揆能誠非所據竊以出納王命本自天臺紀正治綱必由統轄內則預聞于朝政外則振奔于條章事任非輕簡注尤慎伏念臣孤學無知自知甚明本惟議郎博士之才非有納言鳴玉之望遭遇聖世仕階顯塗洎登翰墨之司寔迫桑榆之景在禮固宜于謝事荷恩猶許

于備官已積厚顏敢希安進豈謂伏蒙 皇帝陛下眷求宿白收擢滯遺遂致庸庸誤膺獎拔豈唯朽質負才不勝任之譏抑慮近司有官非其人之累寔係事體須控懇誠伏望聖慈垂亮丹愚收還前詔改授俊傑俾又政樞庶幾哀遲獲安分守所有告命不敢祇受

又

臣今月十日伏蒙聖慈特差中使齋降詔書一道以臣辭免尚書左丞新命未賜俞允者恩出非次靡許

避辟理有未安因憚僭瀆伏念臣福基甚薄識致無  
奇遭時竊祿以多尤忤歲愒日而已奄在朝無毫髮  
之補臨事苦筋力之哀使令恪守一官尚虞墮敗若  
乃擢在四輔益惧顛危况越等夷實踰夷典輒殫愚  
志上訴天聽伏望 皇帝陛下慎重名器之頒審  
察才愚之分閔隣不逮已合退藏追寢誤息別除閑  
職誓勤晚節永戴生成

辭免立班

臣昨蒙聖恩除授守尚書左丞續准閣門告報奉聖

旨令臣立班在韓忠彥之上臣竊見近例同知樞密  
院與尚書左右丞以除授先後為立班之序臣叨蒙  
進擢已荷聖眷至于序位躡次恩禮尤異在臣愚分  
實不遑安欲望聖慈許依近例令臣立班在韓忠彥  
之下

辭免右僕射

臣伏覩制命授臣左光祿大夫守尚書右僕射兼中  
書侍郎聞命震驚不遑寧處伏以宰輔之任海寓所  
瞻職贊萬机位崇三事內附百姓外鎮四夷同玉体

則况之心膂股肱論材品則比之棟梁柱石用人當  
否係國重輕伏念臣固陋之姿朴野之孳詳試已久  
績無聞向者 太皇太后 皇帝陛下拔自天官  
寘之詞禁未踰期月擢列近司總轄省綱預聞國政  
謀謨寡效誅譴是虞敢料聖知更加褒進陞揆路儀  
刑之地兼西臺基命之司禮秩益崇責任深重伏况  
臣才非穎特年已耄荒竄于承助之間尚多曠事擢  
乎端右之要益惧疾顛願寢息俾安愚分所有除命  
伏望聖慈特賜追復

待罪

臣伏覩降侍御史楊畏彈奏昨差賈易知蘇州田滯  
詔命二十餘日謂臣獨主其事乞施行者臣才識愚  
闇久滯近司論議既違致有臺劾案其罪戾宜即嚴  
誅夙夜戰兢不遑寧處臣已請朝假見歸私家待罪  
伏望聖慈早賜施行

又

臣近以待御史楊畏彈奏差賈易知蘇州田滯詔命  
私家待罪伏蒙聖慈特賜詔書所請宜不免者聞命

震揚愈不遑安伏念臣識性至愚迂濶于事預聞  
政忽涉三期以樗散之材荷棟隆之任常惧曠職上  
累清朝昨議差除初謂奉行于政事未及奏覆遂致  
稽留于詔書果取人言益從吏議雖聖恩天覆察其  
本欲盡公而輿論波騰乃謂專任獨見愆尤至此典  
憲寧逃伏望 太皇太后陛下 皇帝陛下案用臺  
章早賜黜責庶幾修明法令有罪必行警肅周行不  
才知惧

又

臣近以侍御史楊畏稔奏差除賈易知蘇州田滯詔  
命事再見札子奏乞早賜黜責伏蒙聖慈特賜詔書  
可請宜不允者聖恩深厚仰戴曷勝孤迨兢危彷彿  
靡可竊以宰輔大任表率百官人望所歸則議論行  
而必信物情不與則名器輕而易搖而臣猥以朴愚  
誤蒙任使上不能謨明軀國以熙庶工下不能甄別  
人才以協衆望誤朝有譴擢寧窮致招人言上黷天  
聽名一絀于白簡罪當寘于丹書雖二聖覆之如天  
未令投迹于四裔而群臣謂其失職豈宜色羞于近



班是以屢貢封章冒塵旒纒再紆中札曲諭宸衷捧  
詔驚惶重自思省本欲便祈于歸老屬茲方負于罪  
辜倘布息誠懼為僭越在臣進退之分敢計重輕于  
國廢置之間實關勸沮伏望 太皇太后陛下  
皇帝陛下矜憐甚懇本無他腸案舉嚴科亟行幽黜  
一則安全于介拙尚蒙保餘生一則厭息于煩言遂

清朝路

辭免觀文殿大學士集禧觀使

臣今月初九日准閣門差人賜到官誥伏蒙聖恩特

授依前左光祿大夫充觀文殿大學士集禧觀使者  
方俟謹投邊聞冠命竭天踏地莫敢違寧臣伏以

仁宗皇帝置大學士冠待師儒之官 真宗皇帝建  
宮觀使非見執政未嘗兼領近年雖有除授前宰執  
之例皆時望宿德然後授之而臣輔政無狀坐致臺  
劾聖恩寬大未忍加誅許其善罷已為傲幸而又授  
以美職處之燕閒雖天地生成之恩何以過此然念  
臣早以疲憊屢控懇誠乞還印章願歸田里久未獲  
請深愧強顏反因赦過之私并有非常之命惧玷名

器不厭人言伏望 太皇太后陛下 皇帝陛下矜  
憐憫愚收還新命許遂前請得養餘齡所有告命已  
牒閣門未敢祇受伏乞聖慈特賜俞允

又

臣今月十三日伏蒙聖慈以臣近上札子辭免新除  
觀文殿大學士集禧觀使恩命特降詔書不允者仁  
聖保全非不知幸禮秩優異惧弗克堪伏念臣德薄  
位高犬馬齒髦日積悔吝辜負厚忘自為吏部尚書  
後來累曾引年謝事比期便獲歸寧敢謂 二聖誤

知擢預政事終踰再歲進位宰相雖木石踈頑豈不  
知報德之所倘可自效不憚捐糜然以竊位偷安寔  
愧公議受福過量必有後灾故于春初再露前請重  
煩睿聖博諭再三臣內感眷知猶思強勉不敢固守  
一介之節以勇退為高方積氷淵之危果貽負乘之  
誚遽連罪戾招致人言謂當必寘典刑豈敢復求安  
便今者伏蒙 太皇太后陛下 皇帝陛下察見孤  
直本無他腸寵以駭名使同善罷則臣之素願尚可  
重陳伏望聖慈矜臣愚誠追追寢新命許令休退庶

可以上全朝廷之大体曲尽寬恩下遂孤愚之初心  
竟詣老再瀆宸聽伏俟嚴誅

又

臣近再具札子乞退寢新命許令退休伏蒙聖慈再  
降詔書不允者露章重叠盖出憂患被命優隆益深  
罪戾尚有息誠之未盡敢憚底裡以上陳屢瀆天聽  
難逃國憲伏念臣端愚一介遭遇四朝仕宦凡五十  
餘年實懷止足荷恩非一二可紀未報毫分福過灾  
生老至耄及累祈休退已踰越于禮經尚此盤桓果

招來于物論自惟踈拙几至顛隕荷聖造之曲全解  
政司之重務良惧所蒙之厚固多微幸之慚倘不踐  
于前言是自隳于素守重念臣稟賦至薄年病交侵  
冬春以來內感寒壅之疾朝謁之際常恐遲慢之愆  
近又失于養調茲則几于委頓雖欲貪冒于崇秩豈  
不取誚于衆視况臣本是書生粗聞義訓若材力猶  
堪于任使碩重祿而敢辭既精神已迫于耗昏雖閑  
官而莫稱義之所激寧亦難安伏望 太皇太后陛  
下 皇帝陛下推天地生成之私察臣隣誠懇之意

閱於孤特曲賜允俞許上印章俾還閭里遂克完于  
晚節得涵泳于太平不殞天年莫非帝力

或恐謂故事以宰臣敢政禮恩優异不當日  
謂請緣臣已蒙制命罷政事自與見任不  
同臣乃再三冒伏乞 聖慈特賜矜察  
乞依例朝朔望

臣伏奉今月二十一日詔書以臣三上劄子乞退寢  
新命許上印章俾還閭里所請宜不允仍除大朝會  
外特免朝會者禮恩優异非昧陋下臣所宜當受然

以累辭朝命屢承詔旨不敢再有陳乞已准閣門賜  
到官誥即時祇受訖見捧日入謝次伏念臣誤蒙任  
使久積愆尤以老疾獲解近司荷聖眷尚塵重賤雖  
媵理塞壅未遂痊平然拜跪伏興尚能勉强居在城  
闕坐糜朝趨不惟偃仰栖遲自招物議兼恐宴安醜  
毒必致天殃進退彷徨莫敢違忝其免朝會指揮欲  
望聖慈特賜寢罷所冀少安愚分不至顛危干冒天  
威不勝戰慄取進止

辭免知揚州

卷六十九

七

臣準閣門告報已降勅命差臣知揚州軍州事者聞  
命震驚不知所圖伏念臣齒髮衰殘智慮昏耗久玷  
近序深負厚顏是以累上封章願歸田里夫衆涵育  
未賜允俞夙夜彷徨方惧罪戾忽蒙聖眷授以要藩  
雖朝廷進退近臣務全事跡而老臣惕玩晚景常恐  
傾擠豈可更冒寵榮不知止足力所不逮義寔難安  
伏望聖慈察臣款誠本蘄閑退收還新命特賜哀矜  
聽用累章許令致仕保養餘息實自生成退處衡門  
敢忘扳稱所有勅命已牒閣門未敢祇受

又

聖恩深厚眷禮敦隆臣雖至愚實知優異便合奔走  
承命信次之官緣臣本以暮年懇求致政豈期異渥  
更授要藩之不惟朽瘁之餘難當重任兼于進退之  
際殊失廉隅反復省思未不知所措是以不避僭瀆重  
布悃陳伏望聖慈特賜矜察閔臣齒髮衰頽疾病浸  
淫若或更冒寵光苟貪祿仕爵非德報諛說議之難  
逃福過灾生惧死亡之無日仰冀聽卑之造俛推欲  
從之仁霈發德音許遂前請倘未填于溝壑敢忘惠

于乾坤夙夜彷徨恭俟俞旨

又

屢奉德音伏深戰慄情有未盡義難自安仰瀆遂旒  
甘從願黜竊以東南都會揚為巨藩平時長臨猶藉  
重望豈茲老朽宜竊麾符况臣沾敷潤州境候相接  
紕恤親屬展省松楸在臣之私至為榮幸但以違暮  
之景精力已衰當此要衝恐不勝任是以內懷止足  
外惧傾危冒控誠俟命累日彷徨顧慮愧惕兼深伏  
望聖慈察其懇款曲推洪造特賜允俞俾遂退閑免

譏議稍遠晚節上報天恩

臣伏見前馮京任宮使之初猶朝朔望令臣

便蒙優禮深不遑安伏乞聖察

乞致仕

臣近以衰病告老累上封章伏蒙聖慈再降批荅未  
賜允俞仍斷來章進退彷徨不知所措伏念臣生質  
甚陋才不瘡人仕官四朝竊祿五紀年加耆艾而無  
經緯本末之能位在公台而有栖遲偃仰之請固宜  
引分難久冒榮加以自冬涉春寒壅溝厲晨夕趨務

咳涕弗禁每侍殿墀常虞委頓頽隳儀範深積儻尤  
雖二聖色荒務全大体而萬几有責豈可曠官是以  
疊控危悚上千宸聽巧遠印綬退處田庐待命累辰  
稽誅有日矧今朝廷貴德俊傑在官去惑治煩固多  
善類守文應變尤藉通才豈茲羸老之軀猶妨美者  
之路伏望 陛下矜臣不逮察臣無他廣天地生成  
之恩任鳶飛魚躍之性許行前奏使遂私誠如此則  
得請以遠餘息皆由于上賜沒齒之後營鬼猶荷于  
洪私迫切之誠殫竭于是取進止

又

臣近以老疾累上封章乞守本官致仕伏奉三月二  
十六日詔書所乞宜不允仍斷來章臣拜捧之際荷  
戴天恩貪戀聖任辰不敢再有陳請姑欲勉強在官  
更俟年歲懇祈休老不意旬月以來故疾頻發胸腕  
咳頓腰足拘孿步履艱難膏草癰瘡閱視簿領不能  
勝任接对吏民益自羞愧實緣哀暮每懷日昃何久  
之嗟稽諸訓言亦有夜行不休之誠以此憂懼益不  
遑安重念臣今年七十六歲仕官五十四年歷事四

朝遭逢五聖積日累久遂致公台復忝通班出守藩  
郡冒榮尸祿又已踰年 陛下冠待旧臣天覆地載  
不忍遽見弃遺恩礼稠重可謂至矣臣愚叨窃可謂  
極矣所恨疲頓不堪驅策若更因循自取殆辱非唯  
上負眷宥晚夕靡寧將恐遂至膏肓漏刻難保是敢  
罄殫危迫之愚仰冒高明之聽倘上蒙矜惻賜以餘  
齡雖退憂草節敢忘報效伏望特降 聖旨檢會臣  
前後奏章許守本官致仕臣無任祈天俟命激切屏  
營之至取進止

又

臣實為近日故疾頓有發動雖上体眷懷強親職事  
然筋力有所不逮常恐顛仆玷辱近班伏望 聖慈  
特賜矜憫許令致仕倘得退就田里輔養衰疾稍獲  
安痊則朽負餘齡皆出陛下生成之造無任迫切之  
至

又

臣近者累上封章乞守本官致仕伏蒙聖恩疊賜詔  
書所不允所請仍斷來章臣具札子再控懇誠至今



未奉朝旨伏念臣齒髮衰耗疾病沉綿雖祇奉德音  
勉親職事然而精神終是昏短筋力愈覺疲羸日對  
吏民嘗虞顛仆非惟自取說議抑恐上污朝班伏望  
聖慈矜恤特降指揮檢會前奏早賜施行可冀退就  
邱園稍獲安養保全終始實荷天恩臣無任旦夕仿  
徨俟命激切之至伏取進止

青詞

為河南郡陳太夫人服藥設醮

伏以羣生稟賦莫非造化之陶蒸萬事推遷蓋有灾

祥之倚伏惟大道默垂于救度故高曾顯述于禳祈  
伏念臣生質至愚福基甚薄過冒塵于祿仕致時違  
于迤邐近屬偏親偶嬰沉疾上池良術未臻暝眩之  
功大洞仙科敢爇依投之願丹誠終起善應俄彰果  
諧勿藥之和遂獲調甘之適因消吉旦戴潔公庭案  
藥簡之彞儀叩玉清之飈馭仰祈至鑒大布鴻恩息  
痲癘于四時集禧福于百順慈親上壽倍延仙籍之  
期人生果世永協養堂之慶舉族均蒙于保佑所居  
咸達于康休上酌陰陽之隆誓守勤行之志

蘇魏公文集卷六十九

蘇魏公文集卷七十

祭

祭濮安懿王

祭王叅政

祭楊尚書

祭楊侍講

祭劉丞相

祭王宮保

代宋相祭王宮保

卷七十

一

代杜丞相祭范資政

代張端明祭范資政

祭呂侍講

祭陳侍中

祭張宮保文定公

代中書祭秦國公

代中書祭唐叅政

祭秦國太夫人

祭歐陽少師夫人

祭濮安懿王代宋相

伏以國家系本仙源慶紱帝祚累聖積厚洪支益繁  
漢家二等之封並崇爵邑唐室百孫之盛咸萃京師  
蓋上聖敦睦之禮隆故諸侯信厚之風著綿、流澤  
永、無窮惟王以方重之資兼粹和之美居家樂善  
服東平之言好古知書得河間之尚向承繼世之典  
首膺開國之封位極公侯而無貴倨之失地長邦族  
而有孝恭之稱對世寵祿而益謙視古矣王而未愧  
故能保其富貴享是壽康為表儀于宗藩方加異禮

掃内外于正寢奄謝明時國邸纏悲哀襟結愴遲榮  
近壤陪塋崇陵惟善始与令終非至德而奚逮某叨  
聯古府常接近班駘祖軸之在行空瞻前緋潔奠壺  
而荐信奠達幽泉神鑒不遐丹誠是諒

祭王叅政

嗚呼天以粹氣畀于格人公享其厚積為懿文帝倚  
群矣登翊王度公被其用時稱哲輔爰初擢秀冠冒  
俊良凌厲霄漢羽儀周行書坊紬繹禁複佃翔發于  
事業見乎詞章謨誥雅略詔冊昭莊公備体用訓言

汪洋華端膚寸利澤多方臺閣規模朝廷憲綱公所  
典領或推練詳奉行故事才宜佐皇進登斗樞遂參  
時柄悟主以道矢言必正敝去多闕門朝無倦今天  
子謂之匪直也令公在廟坐于茲八襮四方宣力百  
為尽瘁密勿軍國亮寅天地才難善賤用未殫志方  
加寵崇式光大議宜錫難老示登皇器寤疾浹旬訃  
音遽至宸序興嗟輦輿出次載念忠良軫傷後事歸  
賙加等冊追端揆密印燧章以告其第思榮始終是  
旌遺懿士倫戚嗟相頽隕涕凡我常僚舉同反袂清

醕載觴有羞式備荐以哀辭庶同誠意

祭楊尚書

天以正氣鍾乎美人公稟其生授乎類倫皇鳥儀  
為端聖辰金相玉質內勁外溫弱齡馳譽富以高文  
躡取科甲跬步青雲帝用嘉之擢于紫宸前視卿相  
進亦逡巡經綸之志始蕞復湮萬里之馳半途而屯  
遭此大厲孰訊穹昊乃令士林愴失良臣嗚呼哀哉  
士以文稱或窘于用世豈之才疇克兼衆觀公之為  
靡施不中其器無方所利則慎重亂治煩不撓不緘

其在內庭忠言日彰道宣上命德音鏘洋見于事業  
作為文章訓辭深厚詔冊和莊寸毫尺管利澤四方  
入為御史百僚端肅出臨輿藩千里蒙福再尹京師  
風行輦轂三提計權事著條目簿牒放紛裁處弥速  
獎源室除吏手斂縮平居與人侃：樂易遇事果行  
正色無避虜介來朝欲自矜異振我官儀傲以殊禮  
人難其拒公立庭止且謂戎心浸不可啓抗辭毋撓  
卒正朝休人謂公才效于已試餘刃沛然鋤若初礪  
使其且壽何向不濟今亡矣夫孰不揮涕某等嘗以

僚契幸茲交從義分之篤心照誠通良友遊矣齋恨  
何窮緬懷遺德徒留清風有觴薄奠聊寄深悰平生  
不忘魂鑒于衷

### 祭楊侍講

嗚呼古之儒者專門明經師學相傳異端不行未流  
既敝小辨滋萌衆說競講解縱橫孔鄭諸矣古訓  
是承優入聖域闢其閉閤排斥異說傳注乃興由是  
微言皦如日星後學尊宗視為準繩知其說者足以  
自名懿：夫子業專志精守經據傳先儒是程通解

六學早擅厥聲由茲仕進躡取紫青僕射宣公時之  
耆英師友兩朝領袖諸生士游其門皆為名卿子以  
高第被其荐祿入侍金華講勛西清惟我哲后好古  
多能清閒訪道眷于老成惟予被遇恪恭壺誠專用  
師說開悟上明陟降二紀便蕃寵靈陞官瑣闥躋朕  
禁扃朝廷禮待均予老更稽古之力何謝桓榮天畀  
五福貴壽康寧為儒始終茲亦鮮并今已矣夫歸于  
杳冥輅帷即路祖奠載庭言還東國反葬故塋凡與  
嘗僚興言愴情清觴告訣魂兮是聽

祭劉丞相

嗚呼江漢氣清廬衡地靈孕奇擢秀是生良才公鍾  
厥美逢時奮榮少也穎拔性若天成個過魁壘穩于  
人聽挾策執苑來儀帝庭文孝高第名實飛騰其器  
既利其族必異立朝勁挺不倚不波施于有政流為  
慈惠江湖之間民謠吏帝用嘉之名遠近次乃尹京  
數擢煩無滯乃貳台鼎預聞朝議中書政本國體攸  
係任以大柄非矣孰寄公之登庸上尤注意躬當衆  
責不疚毀訛剛果內持由義而濟委罷出藩亦諧雅

志二邦偃息風力弥厲膚体且強歡言自遂如何奄  
忽頽然逝嗚呼人生有涯寓形斯世旋復迂流詎  
非夢寐道信于時乃生之貴神歸其本非歿為累惟  
公通悟固得于是人情怛化徒懷風義奏訃來上宸  
衷感傷厚其賜典加以襚章君恩終始拊存念止瞻  
彼輶車言經甸疆精爽如在游好未忘尊酒盈旨俎  
羞令芳至誠是存魂其迪嘗

祭王宮保

嗚呼人性之稟異其柔剛或失厥中非悞則強公履

其和外溫內方行不詭激道無迎將文雅雍容冠映  
周行歷踐世官無忝前良鉉槩職業勤勞不忘臺閣  
規撫時推練詳國史善志裁成义例禁林起草久參  
嚴秘擅筆削之三長演絲綸之七制登貳公哀預聞  
政治啓沃嘉謨奉行故事進不矜乎重任退亦安乎  
閑地泊執憲于臺復抗論于大詎班聯為之恟動貴  
倖從而推避蓋語默之適宜亦始卒之無愧方告老  
以歸休遽委順而長逝烏呼吉人為善實獲于天富  
貴壽考德優祉全其所痛者不及百年道既行矣夫

何憾焉凡我嘗僚徒茲愴然聊陳樽簋之薦告訣惟  
裳之前冥漠可通神其聽旃

祭王宮保代宋相

夫天下之達尊者德爵皇極之享福者壽考是為具  
美鮮或兼全公以文執博通行義修潔躋仕華旦則  
揚歷于臺閣預議大政則練達乎典章踐履高危之  
塗優游不競之地惟進退不失其正惟明哲以保其  
躬出守外藩入侍清燕用之不侈于權利已之不易  
于常操蓋守道能固自信不疑古稱善人在我無媿



●于更仕任之美則掖垣之顯華憲臺之權寄近輔  
貳公之貴尚書八座之崇並中朝之要津極一時之  
清逸公皆荐居世職克紹前烈暨夫年至傳家請懇  
納致聖主嘉其止足時論推其恬夷雖不及享期頤  
之齡遂喬松之志卒以中壽歸全巨室茲可謂善始  
令終全名無玷者矣某並遊榮路仰止才量痛故人  
之長逝嘆清風之莫追恭荐菲儀采賜永訣

祭范資政代杜丞相

嗟：希文于是已乎哲人已矣孰不悲吁吾失我友

天乎祝予福善之報意亦何如我思古人才負美粹  
識通道廣心和色毅政事文學聖門高第蹇、匪躬  
王臣之義克全厥修以輔天子在天聖間猶為小官  
屬時無事法弛禁寬論疏利病書聞宸前上察其忠  
不意一別乃成今古君喪在徐我居于宋欲往莫得  
臨風愴慟言念平生奄忽如夢薄奠寄誠心為茹痛

代張端明祭范資政

元間積粹降為吳智華我王國居然廟器生都顯榮  
歿有徽謚全斯令名在公無愧公之靈躬挺特不羣

個倪大志上干雲霓策名從仕英稱動人：皆謂之  
才宜致君公為文章據經守道時務華淫公尚軀要  
論述古今發明世教非苟知之亦思允蹈公為諫官  
慷慨敢言自下廟上弗屈要權帝用嘉之擢寘禁聯  
終靡悼害三黜三遷公殿西陲歷更四帥躬提成師  
瞻威遐裔羗戎卒和請降納質我寔尸之時為長利  
公登廟堂佐佑聖皇更贊二府獎革維張肅將朝命  
拊循邊疆務在經遠煖席未遑公之出藩時乃均逸  
不詘下廷首如公一詔系敷宣民隱恤身居江海心

存王室公適逢辰且更大用疇不屬之宜壽而寵云  
胡靡沈摧我時棟人之云止士倫所痛某早歲之幸  
幸辱公周旋鄉閭相從日接燕閒泊登禁闈嘗從內  
班昨麾武林復踵于矣朋好之薦晚乃益堅論議相  
直中無間然江干交臂俯仰二年何言此別遂成終  
天薄祐多難家遭艱累庠居睢陽咫尺徐鎮聞公之  
表百感交進欲往吊之滯留為恨言念平生毅容未  
忘設位寢門悲酸盈腸遣使致奠蔬肴絮觴精誠不  
泯歆此令芳

祭呂侍講

鼎族華裔載德秉誼憑承慶靈是生俊乂顯允惟君  
挺竒拔類庶方閎深華國之器壯志矯吉士登朝  
基室肯考有服王僚藹乎令聞卓尔孤標頡頏一世  
凌厲層霄渠閣校文義類有條詞垣演誥德音孔昭  
進階巖近出殿藩郡帥鉞抗稜戎穹感信仁風四方  
歡誼三鎮還尹日畿并蒙河潤亦旣罷煩杏承乃眷  
進讀金華侍游清燕臺閣規撫素号詳練旋更典領  
莫非華逸爰彰美才見推諸彦在昔先正佐時積勲

勞二紀迺衡秉均英声未泯餘德在人我踵厥武佩  
荷紫宸天子命之曰惟帝臣時亦称許當繼相輔璫  
珎之室始入天府椽棟之才未陞堂礎康莊方馳崦  
嶰忽暮彼蒼難問殲良何遽才志勿就命力誰預仁  
者有後茲言則然允若而家積厚于前一門威美諸  
季蟬聯奕葉流光有嗣象矣君子之津曷窮其源如  
古所記魯滅漢袁某等久接餘塵幸偕禁籍官或嘗  
僚情惟莫送初聞告歸俄痛疾草詎期信次乃异今  
昔素旌翻東去都門哀歌咽歌祖翠愁雲何以致

誠挹彼清樽何以洩哀寄乎斯文

祭陳侍中代宋相

若夫剛方直清上矣之性溫恭誠忌君子之行公寔  
得之氣全守正積是具美由乎善慶矯勁貞來儀  
聖辰喬梓修翰璫璵粹溫爰在初仕藹其令聞遠守  
一麾抗疏天闕幄惟大議極陳本元先帝嘉公峭直  
敢言越從遐陬擢寘諫垣皇帝謂公朝之懿臣登輔  
大政弼予一人顯允正先勤勞王國參預近政時推  
邦直清風未泯仍世載德至公益大遂冠樞極公卿

不慚父子善賤公為大臣體貌嚴粹正色于朝不懈  
于位進惟主知外無退比兩當鈞衡權任在已心持  
公平孰疾毀譽繩以古人奚求勝比彼公之靈躬謙  
謹畏栗言無易由動以禮率萬石謹厚博山慎密既  
明且哲克保終吉還政之請不待年至典冊命之三公  
還第優游餘年方諧雅志胡不遐壽頽然遽逝奏訃  
初上中朝愴然趣駕臨奠恩加等彝哀衣貂冠命以  
祿之君臣終始千載一時公堂近郊連岡崔巍築闕  
道旁再世安茲芻豢即遠龜筮告期排徊去車駟馬

載馳凡我嘗僚永怀清徽音容邈矣興言涕隨荐以  
清觴靈其格斯

祭張宮保文定公

嗚呼景德後元協洽紀歲連珠耀芒鷄火之次鍾秀  
于人為時之瑞矧在九秋天晴氣霽月正下弦光連  
五緯公生是時得天精粹金声玉質渾然国器岳立  
淵渟出乎倫類剛則不折柔亦不廢危行危言可止  
可仕兩策矣科簡在仁帝四入内庭晚登三事益歲  
諸公孰不隆貴或踐亨衢半途而逝惟公始卒德充

福備七紀康寧閑堂遂志一品晏安萬緣泯弃不怛  
物化考終蟬蛻生成純灵歿全浩氣騎箕入昴孰知  
所憇斯文之定名空遺永世藐是孤生早緣素契爰  
自弱齡獲聞叫義提携成就愛均子弟每侍燕閒兩  
忘年位名理之談或容難訖間閔虽久音書杳至昔  
聞公喪適均朝綴臨吊無从荷恩有地今叨守藩過  
公里第言瞻松楸交揮淚涕一觴荐誠百感中萃永  
怀德音歿齒無替

又

惟公稟德河嶽王者之輔出而逢時道則靡阻初來  
公車晁董首奔言配乎經行應乎古禁垣黃閣雍容  
步武遠猷閱訖沛然孰禦公出在外心由帝所憐  
懷忠盡言不顧別必摧之非柔則茹惟是全德一代  
之矩矱我先公金石之契臺閣同升道義一致伊昔  
侍側話言在迩辱登公門垂今四紀出处契濶造請  
莫繼謂公難老天錫之祉遘疾未几孰云不起訃來  
痛哭我則何已薄奠致誠尚或鑒此

代中書祭秦國公主

帝唐之盛女曰娥英爰周邺隆王姬振聲粵我仁祖  
跨唐軼周溫、太主矣茂芳猷惟主之美慈和柔惠  
其質蘭薰其儀玉粹結爰帝后孝恭天至執勤傳保  
言容日備往擇好述屬在下門恩降下嫁禮視惟藩  
爰開湯沐爵命再頒成此肅雍車服以藩冠冠三朝  
義先近戚帝錫之祉光華赫矣云何不淑遘疾斯函  
捨此明辰歸于厚窆帝念仁姑曾不永年悲具長樂  
痛軫慈顏奠喪制服追愴親矣迨臣督葬卜吉新阡  
肅、惟禔嚴、鹵簿神閨啓銘扉存即路潔此饋羞

奠以清饁菲誠是將明灵斯存

代中書祭唐叅政

致祭于故叅知政事贈兵部尚書唐公之灵惟公稟  
江漢之粹灵挺荆衡之材秀來儀上閣國自致青雲  
在仁宗朝以峻節清規擢踐臺閣登侍岩禁在英宗  
朝以重名遠略入長風憲出臨藩州今天子綜覈功  
臣寤寐矣峻台君方面委戡計度不及一時參輔大  
政惟其弥綸之蘊施設之宜資適逢時而壽屈于中  
壽才可經遠而卷道于半塗公之云亡國之不幸茲

所以崇僚之列周行之間靡不茹痛于哲人而齋咨  
于遺直也命龜協吉轄車云西酌以清觴愴乎永訣

祭秦國太夫人

粵若人倫之美惟德及齒婦道之崇在夫与子展如  
夫人備于是矣夫人之生稟質柔明始自華胄歸于  
名卿宜其室家是鍾慶灵毓我邦傑為時宰衡君臣  
一德旦暮千齡夫人之矣辨通明智酒醴澄潔蘋蘩  
助祭委季姜通達行必由義邠母善導處亦捧執閨  
風嫔則流徽當世夫人之貴圭黻一門子登上台女

從大臣哀服承顏副筭寧親晨羞列鼎昏定重茵階  
庭獻壽婦孫說：惟先令君德履有素命不副才位  
止郎署君子之津乃詔厥緒夫人克終享其榮祚朝  
尊元宰家承異數陪封大國冠班外婦歲時入覲特  
隆眷顧壽歷耄期体称弥强固委化而終伊神之祐  
夫人之亡哀感道旁相君摧瘠天子嗟傷詔加恤典  
宴輟春觴內嬭視歛玉人治喪自決之間弔使相望  
婦之貴者前誰比方是亦德茂乃至流長某等並遊  
相庭恭承母德教義可敦頌嘆无斁今聞轆車言归

厚宥茹挽盈路羽儀連陌聊傳總惟一奠敬醴至誠  
是薦神其來格

又代執政

唯灵以淑質異稟克生良輿之家以懿德令儀作娛  
華顯之室動遵圖史行為楷模蘋繁事公侯之宮幅  
軸知將相之事毓我元輔登于上台千載之至矣相  
逢一門之忠孝兼備雖民心屬望本玉佐之高才而  
朝寵再加推母慈之善導是以發封号者三紀冠婚  
班者七年膳羞甘旨食萬鍾而無慙康寧壽考亨五



福以斯全方且榮鼎茵之在前祝椿靈之難老極是  
孝養樂乎盛衰辰何生理之有涯遽歸泉而委順相  
君鉅創宸宸驚嗟厚恤而紆詔函臨宴而罷朝會內  
司賓省其歛服大謁者治其葬儀恩禮之隆本由乎  
上眷命婦之貴絕比于當時終始不移哀榮斯極某  
等備員公府接武相庭早聞積慶之餘竊增嘆企今  
愴廷神之遠祇令摧傷望祖緋以致誠潔壺觴而為  
酌芳魂不泯嘉其是歆

祭歐陽少師太夫人

彭城郡太夫人之靈挺生德門作娛良人間儀閨風  
睦于宗姝淑貞懿行宜尔子孫恭則順婦矣則慈母  
鍾愛令子為時良輔立朝汲直出藩台父躬扶板輿  
尹茲田都羞飡潔膳昏定晨趨華髮垂堂家人愉  
承顏順色能竭其力胡不百年遽喪矣德徽音已遠  
孝慕何極夫人之生既福且榮大郡疏封再加寵名  
六紀歸全亦謂遐齡厥日唯吉輅車南出翩彼丹旒  
挽乎素紼哀慟路人慘受朝日某等咸以備員趨府  
踰年實事令子有悲有息聞夫人喪孰不潛然哀意

難見敢致薄奠聊寄悲酸非取豐腴靈鑒如存享此  
誠薦尚享

又

惟靈夙稟柔儀內蘊懿德归我良士是生哲人湯沐  
啓封再被絲綸之冠旨甘為養奉承晨夕之歡方享  
輝榮遽傷殂逝春田京之諸吏實子舍之嘗僚獲遵  
尹正之規素欽矣母之範旌車南輶傷永闕于徽音  
肴醑致恭敢少陳于菲祀芳魂不昧歆此至誠

蘇魏公文集卷七十

蘇魏公文集卷七十一

祭文

祭杜待制

祭李賓客

祭杜監簿

祭王秘校

祭王侍郎

祭韓殿丞

祭故潁州通判鮮于都官

祭張戕方

祭外舅辛駕部

祭外姑高夫人

漏港灘祭男穎士

祭亡妹張氏五縣君

祭甥張氏子子念二郎樟老

穎州謁廟

南都謁廟

南郊禮畢祭諸廟

英宗皇帝即位祭諸廟

祭双廟祈雨

祭喬太尉廟祈雨

祭喬太尉廟謝雨

祈雪

謝雨

祭喬太尉廟祈雪

祭諸廟祈晴

祭張公龍王廟祈雪

祭張公龍王廟謝雪

祭諸廟謝雨

祭張公龍王廟謝雨

春祈嶽廟

春賽諸廟

秋賽諸廟

祭勾芒

祭土牛

祭魏武帝

祭窮后

祭城隍

祭牛龍

祭五龍

祭土地

祭天王

祭杜待制代歐陽

故慶州經畧待制杜公之靈惟公之才時推王佐有  
文有武萬夫之望頃自南署使于南荒夷獠震驚請

命不違更鎮北地威懷西羗戎有犯命立寘斧鉞邊  
陞晏然帝稱其良如公之賢宜壽而滅胡為不懸今  
也則亡秋風蕭蕭汴流湯湯扁舟西來載公之喪故  
人守土送于河梁一奠致誠我心增傷尚享

### 祭李賓客

故田臺賓客李公之靈若夫三品通班五紀中壽惟  
公享之福善之祐聞望在時清白遺後歸全美名歿  
且不朽遠日啟塗素旌引柩一奠荐儀哀誠莫剖尚  
享

### 祭杜監簿

將作監主簿杜君之靈挺生慶門稟服義訓初仕鄉  
屬方廣家聲燁乎其華秀而不實割慈天性均創路  
人荐以菲儀達乎幽壤尚享

### 祭王秘校

嗚呼予與子直世篤朋契越在稚年游從講誼兩家  
情親各有兄弟輩寺同館秋闈並試愛子矜懷脫落  
放肆嘉子文章俊雅雅鹿謂如子才必用于世吾儕  
齷齪曾莫致至不見數年聲名益熾先後相望並收

科第子尉宛邱予賤京師傳聞治声民歌詠之竊私  
嘉嘆有友如斯子罷陝官予方忝麾承以疾苦相見  
無期既來汝陰子以喪歸不見神鋒乃見裳帷與言  
愴慟涕淚交頤念昔相從情弥眷、二十餘年流離  
憂患同輩絕何会而復散今乃與子生死間斷長年  
多感動增喟嘆况復怀感心摧意乱胡城子居颯陽  
子歲日月有期吉在仲商幼子未立母兄治喪交友  
來吊撫事悲傷肴醴奠之詞以侑觴

### 祭王侍御

惟公德業之茂資歷之美盖有朝廷辭命諸公扶誌  
贊之詳矣固非晚生末學所能称述其彷彿也重念  
曩以世契獲拜座隅復得与公諸子交游義同子姓  
是以蒙顧之厚不与他比今茲守郡見公松楸感旧  
愴怀不能無慟恭奠薄醴以荐丹誠

### 祭韓殿丞

夫以萬石承家累業濟美能用優季仕于明朝振鷺  
在庭早通于閨籍左魚為郡已試于吏能方將凌厲  
亨衢顯揚先

太  
上  
御  
名

才用既適志量叵量降年弗長中

道而畫相君動尤子之戚士友傷秀林之摧轉旆將  
歸豆觴為奠來歆菲薄用表信誠

祭故穎州通判鮮于都官

烏呼君之立朝淑慎端純君之奄忽哀感路人藐尔  
諸孤莞然老親賴君以生天胡不仁既奪其壽其居  
則貧翩：旌旆賴水之濱酒醪既酌荐俎交陳俎詞  
以寄哀聞乎不聞

祭張賤方

惟公行實內縕名為衆聞學以干祿忠而事君孰謂

中道遽喪仁人公之季弟與余同第今又同官寔敦  
厚契聞公之亡潛然隕涕徒臨瑱桓音容莫際魂其  
有靈歆此誠意

祭外舅辛駕部

昔公守遼旌旆去國秋郊蒼愴離行色昨公罷郡還  
朝有期日望西城車音何遲忽得公書情深眷：語  
以疾草甸于南甸初聞驚駭恨莫得見曾未旬朔遽  
罹禍灾人生契濶固不可量自昔別公膚体方強豈  
伊三載乃歿公喪一念及此百憂盈腸嗚呼哀哉公

之業履清方粹美孝稱閨門道信閭里人皆趨時我  
獨用已甘節令名始終無毀公之蒞官嚴而不殘繩  
吏以簡馭民以息柄臣荐之才宜治煩三郡風績遺  
愛猶存天子善人慶常在後才不必貴賢不必壽古  
皆有死磨滅誰究惟餘德澤歿在不朽公之世胄義  
烈相承忠獻之裔雜遝簪纓晉國諸孫亦既顯榮朝  
閨郎舍弟聯兄繼公有今子是詒是似伯也實才自  
為良吏仲也多文足致名第肅、清風茹焉不墜某  
早以愚藐獲奉姻連名非蕭咸愛同張侯風期相許

恩意綢繆追念平昔音容莫由惟堂在望奠觴遙隔  
馳茲絮漿貳以肴核礼毋菲廢哀緣情極魂鑒不忘  
歆此誠幅嗚呼哀哉

祭外姑高夫人

恭唯夫人之令德壽考柔声懿範某已紀銘于石傳  
告來裔非茲詳言而後信也願惟鄙陋叨預姻列蒙  
被厚愛二紀于茲而以薄仕羈繫得侍几席者曾無  
幾時恭聆訃音愴恨何已又聞已得吉卜合祔先兆  
復以罪繫朝籍不獲躬陪執紼之末追念音容永隔



泉壤恭記薄酌用將微誠摧痛在心神其來享嗚呼  
哀哉

漏港灘祭男穎士

三十一郎穎士之靈汝生十年而警惠超特盖有過  
人者誦書秉筆志趣已高承順親顏未嘗遺忤而又  
奉侍太夫人朝夕不離左右衆人知汝為孝子矣應  
接中外吾方有賴于汝吾遷東陽汝喜其行不幸道  
途遘逆遂罹覆溺之患喪尔淑貞時我之辜觸事究  
摧痛徹五内以尔之夙悟早成雖遭橫夫必不至于

為夫為厲使人惡忌固宜證無生而入有生應變而  
現當為矣而為才先顯將來不然桐山之高巖臺之  
清可以游神接灵與川岳並秀亦汝之素情也寄殯  
佛舍倍愴吾心拊棺致誠一慟永訣

祭亡妹張氏五縣君

尔生有懿淑之質故先君僕射特鍾愛焉早孤不天  
予主宗事為尔擇配久之始歸呂氏呂大宗也尔能  
恭順協睦不失婦道未幾而喪其夫予以尔又歸張  
氏張志士也尔能沒薄靜專克成夫志不幸復失良

人以子幼未立來還吾家予方謫守東陽奉太夫人之官爾實在親側晨昏就養宜無慙于尔心也今者舟過漏灘忽有覆溺之患寔予薄祐致汝無辜冤痛號呼不能止抑爰以吉日塗厝于新定佛舍惟是窀穸之事則張氏有墓可以歸葬矣呂氏有子可以承祭矣冥識不昧必知所依臨殯致哀心焉如割

祭甥張氏子念二郎樟老

尔父懿行清文士林之傑既不克施于時中道而隕神理佑善謂宜鍾愛于尔躬未易量也方從母氏歸寧我家且使就學以成尔善不幸道途罹覆舟之厄遂至不赦冤痛摧切我心如何權厝僧房坊以從尔母氏之柩酌以薄酒用寄悲懷

穎州謁廟

刺史奉天子命長臨一郡境內之祠理當有事必修謁而後敢治惟神福民祐善一境所依賴奠獻之數不敢缺也

南都謁廟

伏以大火故虛興王奧宅建都立國主社與民明神

是依命祀攸謹致恭謁款奉有常經某近忝授符爰  
茲守鑰初臨署位君命斯虔越瞻嚴祠望祭惟白敢  
用羞幣祇荐息誠所冀聽靈歆此菲薄詒格純嘏享  
祐茲邦非惟長人獨受其賜

又

某忝被朝命獲守郡疆肅瞻靈祠寔奧奠壤適茲臨  
涖之始敢荐吉蠲之誠仰欽明神大庇庶士惟時降  
福俾民用康祇報鴻休敢急常典

南郊禮畢祭諸廟

此者國家精禋太室配帝圓穹熙禮甫成大賚斯洽  
眷靈祠之遺烈飭守備守吏以備儀祕荐苾苾庶陳  
昭報諒惟神鑒歆此息馨儲福祉于民生息沴灾于  
列境和平之格遐迩願同

英宗皇帝即位祭諸廟

此者皇帝祇遍先猷嗣隆丕太上御名霈宣大賚敷告多  
方欽修三止之宗祇款萬靈之奧勅守臣而致禮在  
祀典以必虔爰罄告蠲用嚴昭報仰祈聽鑒備享德  
馨相邦祚于泰寧擁神休而錫羨惟誠所格雖遠必

通

祭双庙祈雨

唐故張許二公中丞之神自昔之息至初公以忠果殞于睢陽後人感慕風誼祠而享之于今且三百載而嚴奉如存者得非以公生既有禦災時報祈載在祀典不為無益也今涉秋閔雨將害染盛某為長人惟茲是恤心雖深念而力不能救是敢夙夜齋戒致禱于公：既血食此邦惟民是依固宜享于潔誠應以甘澤使已稔之稼槁而復茂將耨之種時其稔登

繫公之賜也公其鑒此

祭喬太尉廟祈雨

漢太尉喬公之神合宗之境古詞以十數其最為民所向信者公之神也去歲冬旱某始齋後請禱祠下未信宿而獲雨雪之應于是歲時報賽未嘗懈于礼焉今年自月六不雨至于仲秋禾菽既秀而將耨厘甃已種而不入農疇咨問某寔念之不敢不再告于神惟神向既受報于民固當恤此灾沴復興雲雨潤澤一方使時無艱食之嘆然後神享豐盛之祀益無

愧也

祭喬太尉廟謝雨

惟公特起睢陽逮事漢室威名振于郡邑勲勞顯于朝廷當官靡憚于權豪外學不懷于仇敵有知人之鑒則時雄慕其惠有息民之志則夷貉肅其強至于屈邦君之尊以徇幽人之節可謂通矣割幼子之爰以除貞刼之患可謂果矣其懿績殊勲伯喈之銘見矣其令謨明訓孟惠之文備矣故去世千禩而英風凜焉梁碣之間里名未改陵墓之側喬木猶新肇彼

京都巍然廟貌春秋奉享典令具存昨以急景窮冬愆陽為沴天津差候而弗作時令當寒而尚溫頽惟長人莫遑寧靈編走羣祀交荐令芳細瞻故墟默致精禱以公生而利澤天下歿而血食此邦必能顯如在之靈動至誠之感曾未經于累日果獲應于其雩千里玉畿畢流于滌夜百嘉生物咸達于枯荻冥况如斯存心敢怠是用躬率僚吏潔滌牲牢咸造閼宮祇陳奠筭少通精意用答神休尚期嗣歲之間更賴陰功之助冀風雨之時若俾稟成之畢登則夫賢傑

之威灵亘古而不泯吏民之祈報以時而益虔豈不  
偉歟

### 祈雪

歲云暮矣時宜固陰而天澤未臻久溫為沴地與膏  
潤氏虞燠苗封圻之間神靈斯主是用祇祓醑醴恭  
陳懃誠真陰陽之下通格至和而來應使同雲之瑞  
色自府以皆流則潔凜之心更與民而敢怠至誠之  
望神其鑒茲

### 謝雪

昨以候戒迎冬時愆膏澤爰陳嘉荐致禱嚴祠曾未  
決旬果獲冥應其雪之瑞已洽于農疇休証之和抑  
由于神造敢具芬馨之礼少陳報賽之勤冀与齊民  
共蒙陰隲

### 祭喬太尉廟祈雪

向以涉冬愆光編戶愁嗟不遑寧居是有齋禱今茲  
時雪猶及天正萌甲稍滋均種不爽敢具嘉荐聿恭  
誠報虔佇丕應嗣滂甘澤冀獲豐懋以康兆民昭事  
之勤敢懈常礼

祭諸廟祈晴

封圻之境綿數百里生齒且億仰于嘉生今茲歲成  
水潦荐降菽粟被野稔而未穫田萊既汙種將弗入  
而陰曠弥月淫霖數來天地灾之行實自人召凶有  
神化主宰其間夫政事失時咎由守吏染盛不告朕  
在有司編戶何辜反罹于害長人無狀當被其責敢  
用䟽淪祗荐懔誠惟神聰直為靈慘舒是任宜恤羣  
望宜霽層陰使收登不害于有秋播殖無妨于嗣歲  
豐和期報稔沴畢銷民獲阜安依有神之賜

又

雨之霖淫二麥垂害必有所以戾陰陽乎今天子聖  
神惠茲以虔天命以仁下民宜無是得也傳祿宗大  
水公曰孤實不肅天降之灾今刺史古諸侯也千里  
蒙病咎將誰執賴之人荐飢者累歲祭祀不豐禮節  
不舉此即聞霽尚大有年倘刑罰鮮中政教

祭張公龍王廟祈雪

祭于張公龍王之神伏以應龍之息神化無方靜而  
淵潛則其用莫見動而天飛則其利尤博故大易之

所贊三聖之所述其至真盛美豈虛也哉賴之近境  
地有靈泉物神所蟠廟額斯在風俗尚言州邑報祈  
祈歲無飢飢凶豈賴神貺今亢陽為沴雨雪不時嘉  
種將枯民生咨怨某受天子命作吏于茲惟民疾苦  
之是憂惟時灾肯之是恤所以夙夜恤懼將祈于神  
案俗旧儀挹彼源洎惟神昔嘗應化于是邦今則血  
食于一境必能奮起利用陰運化工驅風去雲洒潤  
流津使千里浹洽五稼滋茂時格和平人叶康靖非  
獨守吏蒙其福釐抑所以延神休于無窮豈不偉歎

祭張公龍王廟謝雪

近以冬暘為厲農畝愆澤徧走羣祀未獲嘉應粵瞻  
淮壩盖有龍穴嘗顯異跡奠此一方爰徇民心遵用  
祠法靈泉甫暨陰陽遂興雨雪其旁遠近告足恭惟  
龍真潛用利見莫測豈守吏虛薄所能感動因荐肴  
醑昭報神休冀無後艱以永賜貺

祭諸廟謝雨

向以自秋涉冬旱魃為虐並走羣望嘉應猶虛所以  
夙夜祗懼不遑寧寧念人事之未盡不敢歸之于天



時恐誠意之未孚不敢慢之于祈禱果蒙神鑒爰降  
甘澤田疇稍蘇播種漸入乃涓吉日用荐嘉牲昭報  
厚賜以光靈德尚冀滂沛之惠無為後艱登成之祥  
亦冀冥助

祭張公張龍王廟謝雨

向以常暘寢警歷時不雨農疇因闕播種後期雖偏  
請于近祠尚有違于嘉陰俯因眾欲殫竭至誠頓瞻  
靈湫寔惟龍宅挹茲泉洩置彼淨方罄夙夜以致虔  
迨浹旬而非懈陰雲甫集甘澤沛然長人之心少獲

寧寧千里之廣願遂膏蘇因荐醑肴昭報休惠光令  
名于不朽冀丕祐于無窮

春祈嶽廟

惟帝作鎮岱宗奠居震位春言茲土夙奉嚴祠仰憑  
威神大庇生聚春陽戒序精意告虔式祈善祥普安  
氓俗俾歲時之有獲庶瘼癘之潛銷遵奉鴻休益虔  
大報

春賽諸廟

伏以壤地千里畫為封疆必有神鑒陰為主宰惟是

春秋歲時祈報之事載于禮式守臣奉詔豈敢怠常  
惟神歆此馨香賜以冥祐使歲時無水旱之沴疾疫  
之灾繫乃有神之貺也

### 秋賽諸廟

伏以州壤千里山川之神禮有常祀為守土者當奉  
事焉夫神者惟民是依民者惟神是庇今歲事登稔  
時無凶灾實由神之賜潔粢豐盛荐享不匱亦為民  
而報也聰直之靈庶免其聽之介以景福使無後艱  
實守吏之幸矣

### 祭勾芒

唯神体配乾坤功施先稼條風啟蕨脉土震渝俶載  
有期早晚宜示庶禳痲青將獲豐登

### 祭土牛

爰出土牛示農早晚因茲肇序恭荐令芳教民有初  
抑用敦本神其昭監佑以善祥灾沴不生蚕稼登茂  
敢忘葵祀用荅純禧

又

條風解凍陽律茲始土牛著象以示農耕惟神協輔

帝功發育生類用是昭薦默祈純佑宵雪屢降揄苗  
既茲庶蒙善祥克遂豐衍民食無害蕃禧所臨敢忘  
禋祀祇荅靈貺

祭魏武帝

帝肇興王業大庇生人血食此邦威靈如在式臨春  
序虔奉祀儀冀錫飭禧垂佑羣品民所仰止神其格  
思

祭竈后

神官有世功厖食此土方春發育潔祀神靈虔奉國

章載陳牢醴冀蒙丕祐普及黎元以時降康慰民望  
歲報功之典吏職敢忘

祭城隍

神奠守封疆實司土土水惟城郭溝池之固賴聰明  
正直之依式屆仲春聿陳嚴祀冀曲垂于靈貺期永  
庇于民居

祭牛龍

神以坤順之休協乾剛之靈瞻彼城隅奉茲廟額仲  
春戒序薄祭致虔冀霈澤之時行慰庶民之望歲

祭五龍

神四靈之長五方是司肇興風雲繁育稼穡適當春  
仲用辰祭儀異時澤之不愆俾歲功而有獲

祭土地

神施生庶品大庇群倫式瞻靈祠近奠公宇仲春戒  
序薄具告虔敢祈及物之功曲降順時之祐

祭天王

神佐命上穹奠居北落護連雲營之勝氣夙仰威靈  
聖闕之嚴闈式遵虔奉仲春戒序薄具致詞敢異神

聽存降時社

蘓魏公文集卷七十一

蘇魏公文集卷七十二  
雜著

曆者天地之大紀賦

省題詩

南廂策問

李惟几改字說

題鄴侯字傳役

題枯木賦

題維摩像

題右軍帖

題御前曆子

題胡考甫書華嚴經

題清溪圖

題送晉光序

題灘院記

題應之詩

題張籍墨迹

題名茶記

題巨然山水

題君謨草書

題授經園

硯銘

書帙銘

曆者天地之大紀賦聖人心通天地之數

昔聖王建官司地因象知天推曆用明于大紀考星  
咸自于初躔合三躔以為元成書最密舉二篇之定  
策備數無愆古有善談載于前志因太初創曆之首

述往聖知時之義莫不究極象數精窮天地有時以  
紀夫啟閉有日以紀乎分至躔離弦望也于此而為  
正晦朔昏明也于此而攸示下可辨乎斗建上靡差  
于辰次惟君審璣衡之運可以緒正于元功使民知  
寒暑之來然後順修于時利况夫曆為一歲之本紀  
明太極之基惟精祲之至妙豈深思之與知必也迎  
辰以策定晷于儀帝舜則羲和而分命顓頊則重黎  
而是司皆所以準厥二氣乘于四時聖有作也人皆  
度之制自清臺得奔正履端之要職由太史盡觀文

察理之宜若乃辰集于房日旁于紀孟陬既于協月  
建揖提亦随乎杓指國將頌正朔以為今王乃觀情  
性而順理章節元之書兮著于彼子丑寅之正兮見  
于此可以察歲斂于未然定愆舒之所以推其生律  
子陽午陰而互分治以明時春作秋成而是擬且夫  
天之運也日與星而代述地之道也柔與剛而莫窮  
非乃聖無以探其顯非立法無以率其中我乃錯綜  
氣候參稽變通起建星而運算故精歲以成功考連  
珠合璧之辰得名尤邃應大呂黃鍾之統立道斯同

用能鈎校四儀審視新度成敗因之而遂紀氣節于  
高而可步于以極陰陽之大端于以備五六之中數  
亦何異魯經比事奔二中以歲成義易窮神合五位  
而象布後王以是知曆象不可不審經紀不可不循  
或立元而謹其始或節事而授于民馮相則致乎日  
月保章則志夫星辰以定五十五數以通三百六旬  
所謂見道而知治何患以天而占人彼為刻漏以考  
中星但紀曉昏之度窳璇玑而觀大運蓋明氣候之  
因猶未若測運動于二儀齊往來于七政建乃星紀

先夫美命吾皇所以監古曆之尤踈頒新書而考正  
天人之際因以明焉乃知夫作者謂聖

省題詩象載瑜

一人敦至化象載效嘉祥美澤昭仁感皇華顯道光  
載馳聞檻：無外表洋：華轂初彰瑞椎輪奐服箱  
器車雖比美泉露岂同方荐席歌休真神靈祉式揚

南廂策問

問周制王畿千里其外則九服諸侯之地也周而禮  
所載六卿之屬三百六十皆王朝之官其名氏之繁



審典掌之閑冗若司市校人賤者之事皆命大夫僅  
乎數百隣長比長才治五家皆命士故至于萬人夫  
以千里之畿四郊鄉遂園廛場圃之外為田十一有  
等官府之給六軍之衆封賞之地皆在其中其餘以  
食萬官宜若不足而當時行之為便凡九正之歛致  
財賄之入亦寡矣而大祭祀大賓客大田役四者之  
勞無有虛月度其經費蓋不訾焉而當時不言其乏  
我一家統一海內四鄉萬里皆為郡縣一毫之賦悉  
歸縣官司會畧入宜若有餘然其設官自省寺至于

至于州縣不過萬數比周亦簡矣而議者猶病吏員  
之冗勞于供億至于郊廟祭享數簡而禮畧朝會宴  
飲歲不過二三師田講武稀濶而不行軍興調發不  
聞于警急方古無事矣而財用未嘗羨盈昔周以千  
里用而足今以天下用而無餘其故何也豈今之經  
置不得其道耶將周官之載為虛文耶願陳所以異  
同之說以輔當世之宜

又

問孔子曰如有王者必世而後仁又曰善人為邦百

年亦可以勝殘去教若周至成康漢至文景唐至正  
觀皆有國未數十年而仁政洽或刑厝不用或斷獄  
數百或報囚十九古稱至治之極何以尚宗興百餘  
年矣祖宗之休德主上之仁聖未嘗不以恤刑慎罰  
為獄一有疑縱以予民吏或用法深故則廢而不錄  
如此刑宜省矣然而天下歲報重辟常不下二千其  
間急爭賊害剽盜陵奪甚者骨肉相殘甘心仇怨皆  
不可緩者習俗流敝而至是耶且必世之仁于周漢  
唐見矣以我朝之隆盛獨不見其成效歟至于善人

不入于室猶能止惡而歸善以累聖之求治反未能  
致茲其故何也夫移風易俗使天下回心向道蓋儒  
者之所願言也蓋陳古所以致治而今所以未能省  
刑草獎具仁必有本末幸悉言之

又

問孔子曰如有用我者暮月而已可也三年有成孟  
子曰師文王大國五年小國七年必為政于天下矣  
此言為政者道民以漸非累久則不能成功故周公  
相成王六年然後制禮作樂以致太平是也而伯禽

封魯三年而報政周公曰魯後世北面事齊矣又公孫和報漢武曰周公期年而化臣尚竊遲之此則為政尚乎速也彼大聖矣且猶期年而為政必三年至于七年而後成功伯禽三年乃以為遲何也太公五月信未洽于民周公何以知後世齊強而魯弱公孫和才不及古人而以周公為治遲然其相漢之迹其效何若此學古者所患也試講論之

### 李惟幾改字說

李君名惟幾字景純問于予曰吾幼而名壯而始字

夫字所以識其名而稱表之古人又泛而有規誡之說今惟幾之字景純既無以識惟幾之義又非所以稱表規誡之道吾將易之久矣願吾子擇其宜稱者為惟幾之字焉非特以其所表然亦將蘄所謂自誠者乎吾子耳予始重違其請又推朋友相字之說在禮則然而况李才具優敏心志通達策名从官有文而能政斯足稱道者又予頃年与之奔進士以里中子論交甚篤則正名為字之說今不得而辭也夫所謂幾者在事隱微而与知之詞也故易曰幾者動

之微吉之先見者也書載大禹之謨曰惟幾惟康云  
尔者盖烏戒舜念慮几微然後保其安康之謂也又  
舜作歌自戒亦曰惟時唯幾者舜以庶工既諧事之  
當戒者惟在知時几微而已而仲尼稱顏子之善曰  
其殆庶幾謂其舉動言行能慮之于微則其著也葢  
有過事之謂也是則幾之為義遠矣淵乎古之聖矣  
之治天下也事君也修身也未有不念于是為而臻  
其極致也且聖人之几緼乎誠明矣人之幾發乎思  
慮緼乎思慮則不思而適乎中不勉而同其道可謂

知幾其神者也發乎思慮者由勉焉而後得戒而為  
後弗失其顏氏之庶幾乎在易則曰不遠復在禮則  
曰擇善而固執之夫行之而弗思何曰能復而弗  
慎何云固執盖顏氏拳于斯未嘗少過故謂之殆  
庶幾者岂其思之詳而慎之至也欤噫事之未彰橫  
乎思慮是雖聖人矣人且猶念之戒之勤若是况  
衆人而不慎哉李君既求字于予因以求其自誠是  
不忘乎立身之道也予又以朋友之義不得而讓故  
原其說兼奉易與書之事以告之而命其字曰仲思

庶乎李君早夜念高遠慝而就正由是而之道云尔

題鄴侯家傳後

國相鄴侯家傳唐亳州刺史李繁撰述其父泌之事  
迹起天寶被召中間迂謫迄正元中終于相位其所  
論著甚悉然與唐史小異文字亦有不倫次者蓋錄  
以罪系獄謂其將死則先人之嘉謀密議遂不得傳  
因得廢帝敗筆于獄吏以成其藁且戒家人令求大  
手筆別加潤色然亦不果今崇文本第一至第五摠  
五卷尤為踈畧大類抄節臣以私本校正凡增補萬

言後請勾疏長康曰宜備一壁遂閉戶往來一月餘  
始画維摩詰一驅工畢將點眸子乃謂僧曰第一日  
親者請施十方第二日可五萬第三日任例責施及  
閉戶光照一寺施者填咽俄而得錢百萬又論画体  
工用云碩生首創維摩詰像有清羸示病之容隱几  
忘言之狀陸探微張僧繇效之終不及至唐寺廢杜  
紫薇收之為池州刺史過金陵嘆其將圯募工捐寫  
十餘本以遺好事者其一乃汝陰太守某人也不敢  
携去至今置于州廨丞相晏臨洺公鎮潁日嘗語从

事鏡石以紀其始末嘉祐壬寅予領郡事暇日數取以觀之案長康晉人故所画服飾器用皆當時所尚其意態位置固非常画之比也或云杜本已為後人竊取今所存者蓋再經謄榻矣然而氣象超遠彷彿如見當時之人物已可愛也况牧之所傳乎况長康之真跡乎想慕不足因命工人即其本移寫藏之家楮又題于像旁丹陽蘇子容記

題右軍帖

向見二王帖多矣疑非真跡應是響榻然筆迹圓勁

無毫釐之差都莫能辨其是否所可辨者一紙數帖及用硬黃耳昔唐文皇好二王書天下訪求遺跡殆盡彼時已患歲久恐遂磨滅因命搨書手趙模輩傳搨數百本藏之禁中或分賜王公得之者已為秘寶矣故當時語云趙模一帝尚直數萬錢今觀說之所說一軸凡四帝一十帖寔竒跡也卷末題蕭祐者元和人起靈士化至桂管觀察使書画皆妙嘗叙鍾王遺法蕭張筆勢編集真偽二十卷上之又題凝式正臣則楊少師也每帝皆有正臣字應是其家旧物

也丹陽蘇某題

題御前曆子

左光祿大夫守尚書左丞蘇某恭覽 太宗皇帝淳  
化中賜知州御前曆子親書三十一字迄今八十餘  
年筆勢飛動翰墨如新對之歆然孰不悚厲昔漢光  
武以手迹賜郡國一札十行細書成文自故臨邦宰  
邑者競能其官唐明皇除令長亦以勅書訓厲謂之  
令長新戒當時郡縣號為得人其猶載于金石之刻  
或見于詩人之咏謌以為太平之源由此其致猶未

若神功恤民之勤為之精擇守長親書翰墨以遣之  
得其賜者超越前代規撫闕遠垂于無窮守臣奉之  
以為大訓不其偉歟

題胡考甫書華嚴經

大方廣佛華嚴經本叙云佛為大心眾生說一乘道  
純真境界超絕權假當念相應即成正覺名雖十會  
指歸一貫通利者刹那見性泥文者多劫迷塗自晉  
至唐三經緒演其書乃完凡十萬正文摠百千妙誦  
要言奧義包括萬殊前代名流留心探索則有論鈔

鈔贊圖開示未學入法界門大行于時熙寧中赴東  
陽守道桐江失舟弟息及甥三人不救追悼不已因  
作毗盧文殊普賢三像以荐天橫通經義者以為正  
合教意今考父大夫服太夫人之喪三年為潔書此  
經全部八十部字皆端楷功已圓成仰報劬勞陰助  
冥福其勤至矣非特見孝子精誠之意抑可示導門  
誘掖之勸因覽巨軸贊嘆不已因假翰墨題于入法  
界品之篇之末元祐七年二月初七日丹陽蘇某謹  
誌

### 題青溪園

予慶曆四年領邑江寧六月馳漕牒之貴池適偶天  
章滕公過郡盤桓新居都官曾公退居州第相期為  
弄水之遊者數四臨青溪望諸山以棊棋銷暑咲言  
甚適迨今五十年矣而未嘗再到公謂函園曲盡幽  
致言念歲月推延三美墓木已拱而老朽端然覩物  
思人不竟感懷因誌卷末

### 題送誓先序

誓先論書法猶釋氏心印發于心源成于了悟非手



口可論此誠知書者然當此名稱如此而獨不聞于  
後世筆迹絕少傳者豈唐人能書者多如光輩湮沒  
無聞不知几何人耶視諸公稱譽之言蓋非常、僧  
流也

### 題灘院記

唐人多善書者題楷行草往々各尽其妙涉五代而  
字体衰矣獨楊公凝式号得筆法洛中碑誌石刻官  
寺僧舍多其題識至今尚存校之一時墨迹固不類  
矣伯鎮所臨中灘浴室記是其書撰文格雖不甚高

而詞氣宏贍猶有唐人之風範亦可嘉也

### 題應之詩

應之江表名僧能文章善楷隸南唐昇元保太間為  
內供奉中主後主書体與之相類當時碑刻多其寫  
者至今盡存惟江寧府保寧寺四注經網經兼備衆  
体尤為精華乃其真迹也

### 題張籍墨迹

張籍書世罕傳者予頃遊歷陽見僧寺有收得其墨  
迹與詩刻今覽此帖疑昔所見者唐人大率能書籍

雖非以書名然其用筆皆有法尤可佳也丹陽蘇某  
子容題

題名茶記

齊已詩人不以書稱在唐季二道既衰然此詩脫洒  
不俗筆札亦善信乎名稱于人必有可尚者丹陽子  
容題

題巨然山水

巨然山水擅名江表歸朝尤為當時貴重然而其筆  
故今傳者甚少惟學士院北壁特為音作前賢詩記

中多稱之烟嵐曉景是其措意者嚮見好事家一二  
小圖皆題此名說之所收特佳也子容題

題君謨草書

唐明皇有飛白散隸賜上巳曲水宴大字今尚存已  
為奇迹矣而君謨又作飛草盡風雲虯蛇之變態非  
曲江字可比也少有得其真迹者說之此卷遂為奇  
宝矣丹陽蘇某題

又

說之與予皆連君謨姻家情好亦均予嚮恃款密未

嘗求其書而說之所說所之得飛草二軸其他真草  
又過是非夫好事之萬何能致其多也如此君謨今  
亡矣其書不可復求故因披卷益增悵恨耳子容題

### 題授經圖

後漢永平七年明帝夢金人既寤以問羣臣通人  
傅毅對曰臣聞西方有神其名曰佛陛下所夢將必  
是乎因詔使者奉景等十四人如天竺至月支過沙  
門相摩騰竺法蘭等傳其經像載以白馬還洛陽譯  
所得經為四十二章緘于蘭臺石室遂流東夏右相

相摩騰竺法蘭入漢獻金像圖人物十有一治平丁  
未在山陽傳史中輝家藏本云其本搨成都佛寺右  
殿西壁相傳漢魏間筆觀其衣服冠用若後魏周隋  
制度疑彼時西千胡意所造耳蘇某子容無復比軒  
題記

### 硯銘

延平溪石研前此未聞熙寧丙辰建寧李侯立之得  
于劍津遂以相寄云石出水底數十仞溫潤而明瑩  
縝密而條達其堅不折其廉不削蓋有玉之惠焉琢

而研之復益墨色端若龍尾不足多也予試之信然  
因銘其背云

其質則石 其德則玉 既漬既研 利用無牘  
毫端可濡 靡九匪渝 功施萬世 四者相須

又

子容研銘石出延平兩涯溪矩而琢之中厥器面如  
堂引涓水背如青圭去鋒銳比息于玉磨不磷罷  
電面食文以治啟土建安邑丹陽世：宝用斯盡意

書帙銘

惟蘇氏世 官學以儒 何以遺後 其在此書

誠

非學何立 非書何習 終以不倦 聖賢可及

光緒戊子湖州陸  
心源捐送國子監  
之書匱臧南學



蘇魏公文集卷七十二終



